

2-DAY INTERNATIONAL PUBLIC SEMINAR

Bagi menyemarakkan peranan UniMAP dalam bidang penyelidikan serta pengkomersialannya, Unit Pembangunan Lestari (UPL) Jabatan Canselor dengan kerjasama Pejabat Timbalan Naib Canselor (Penyelidikan dan Inovasi) telah menganjurkan '2-Day Public Seminar' di Dewan Tun Dr. Ismail, PWTC Kuala Lumpur pada 3-4 Ogos 2008 yang lalu. Seminar yang bertajuk 'Commercialising R&D Products and Services' ini telah disempurnakan oleh YB Dato' Seri Mohamed Khaled Nordin, Menteri Pengajian Tinggi Malaysia.



Seminar yang diadakan pada 3 Ogos 2008 lalu telah dihadiri oleh 300 orang tetamu yang terdiri dari para peserta seminar dan tetamu jemputan khas. Turut hadir di pada majlis tersebut ialah Y.Bhg. Dr. Ramlie Hassan, Timbalan Ketua Setiausaha Kementerian Pengajian Tinggi Malaysia, Y.Bhg. Tan Sri Dato' Seri Dr. Haji Zainul Ariff Haji Hussain, Pengerusi LPU UniMAP, Y.Bhg. Dato' Ir. Prof. Dr. Radin Omar, Ketua Pengarah Jabatan Pengurusan IPT serta Y.Bhg. Brigedier Jeneral Dato' Prof. Dr. Kamarudin Hussin, Naib Canselor UniMAP.



'International Public Seminar' yang julung-julung kali diadakan di Malaysia ini merupakan satu titik tolak bagi UniMAP dan juga universiti-universiti lain untuk menyingkap semula arah tuju penyelidikan. Menurut Dato' Seri Mohamed Khaled Nordin, berbilion ringgit telah dibelanjakan oleh kerajaan, tetapi tidak sampai 5% dari penyelidikan universiti dapat dikomersialkan. Menurutnya, satu tindakan yang drastik perlu diambil dengan melibatkan anjakan paradigma dari segi pemikiran, mentaliti dan budaya penyelidikan.

Seramai enam penceramah yang cukup berpengalaman dan pakar dalam bidang masing-masing telah dijemput untuk membentangkan kertas kerja serta berkongsi pendapat dengan para peserta seminar. Mereka ini terdiri dari Prof. Dr. Vasant Kumar, Cambridge University (Tajuk Ceramah: "From Lab To Market: The Cambridge's R&D Experience"), Prof. Dr. Seeram Ramakrishna, Timbalan Presiden (Strategi Penyelidikan), National University of Singapore ("Collaborations with The Industries: NUS's R&D Experience"), Haji Saat Shukri Embong, Pengurus Kualiti Asia, Freescale Semiconductor Sdn. Bhd. ("R&D in Universities: Expectations from The Industries"), Prof. Dr. Zaharin Yusoff, Presiden Universiti Multimedia ("From Digital Labs to The Industries: MMU's R&D Success Story"), Prof. Madya Dr. Jackrit Suthakorn, Pengarah BART Lab, Mahidol University, Thailand ("Commercialising R&D Products: Mahidol University's Experience") dan Prof. Dr. Asmah Ismail, Timbalan Naib Canselor (Penyelidikan & Inovasi), Universiti Sains Malaysia ("Commercialising University's R&D Products Into The International Market").



Selain ceramah sesi forum juga turut diadakan dalam seminar 2 hari itu yang telah dipengerusikan oleh Prof. Dr. Zul Azhar Zahid Jamal, Timbalan Naib Canselor (Penyelidikan & Inovasi) UniMAP.

Sebagai meraikan para penceramah dan peserta seminar, UniMAP turut mengadakan Majlis Makan Malam Sempena '2-Day Public Seminar' pada sebelah malamnya. Majlis diserikan dengan kehadiran Y.Bhg. Tan Sri Dato' Seri Dr. Haji Zainul Ariff Haji Hussain, Pengerusi LPU UniMAP sebagai tetamu kehormat pada malam itu.

